



SKÓGRÆKTARFÉLAG
REYKJAVÍKUR
Stofnað 1901

Framkvæmdasýslan Ríkiseignir

13. jún. 23

Bt. Eva Dís Þórðardóttir

Borgartúni 26

105 Reykjavík

Efni: Kláfur í Esjuhlíðum Umsögn

Skógræktarfélagi Reykjavíkur hefur mótttekið bréf dagsett 31. maí þar sem óskað er eftir umsögn félagsins um svifbraut (kláf) í Esjuhlíðum. Félagið hefur haft umsjón með útivistarsvæðunum í Esjuhlíðum frá aldamótum og unnið markvisst að því að byggja upp útivistarsvæði fyrir fjölbreytta hópa fólks. Félagið er jákvætt gagnvart verkefninu og telur að það geti orðið til þess að styrkja Esjuhlíðar enn frekar sem útivistarsvæði. Félagið er almannaheillafélag og telur mikilvægt að sem flestir geti notið náttúru, útivistar og upplifana í Esjuhlíðum. Því mælist félagið til þess að aðgöngueyri verði stillt í hof.

Sem umsjónaraðili útivistarsvæðanna í Esjuhlíðum hefur Skógræktarfélag Reykjavíkur staðið fyrir mikilli uppbyggingu útivistarinnviða síðustu áratugi. Félagið mælist til þess að náið samráð verði við félagið um nánari útfærslu á staðsetningu svifbrautarinnar.


Skógræktarfélag Reykjavíkur telur að bygging kláfs feli í sér innviðauppbbyggingu sem verði til að styrkja útivistarsvæðið. Álag á göngustíga er þó þegar mikið og gera má ráð fyrir að umferð aukist enn frekar með framkvæmdum sem þessum. Leggur félagið til að hluti af fargjaldi verði eyrnamerkur frekari uppbyggingu og viðhaldi innviða útivistarsvæðisins í Esjuhlíðum þannig að svæðið styrkist og eflist.

Í Esjuhlíðum er víðtæk skógrækt sem unnið hefur verið að í áratugi. Félagið óskar eftir að vera með í ráðum um nákvæma staðsetningu svifbrautarinnar því skógurinn getur orðið um 40 metra hár þegar fram líða stundir. Hægt er að haga línustæðinu þannig að ekki þurfi að grisja. Ef fella þarf skóg vegna áformaðra mannvirkja eða á framkvæmdartíma, áskilur félagði sér rétt til að krefjast bóta vegna skemmda á trjágróðri.

Milli Rauðhamra og Geithóls, þar sem meðfylgjandi gögn gera ráð fyrir að kláfur fari uppá þverfellshorn, hafa orðið alvarleg snjóflóðaslys. Skógræktarfélag Reykjavíkur hvetur til þess að umsögn Veðurstofu Íslands liggi fyrir áður en að framkvæmdum kemur.

Skógræktarfélag Reykjavíkur leggur til að millikláfstöð sé við Rauðhól. Stöðina yrði hægt að nota sem stoppistöð fyrir fjölbreyta útivist s.s. hjólreiðar og fjölskyldugöngur. Við Rauðhól er einnig töluvert annað veður en uppá brún og opnast útivistarmöguleikar fyrir fjölbreyttari útivist og yfir lengra tímabil á árinu.

Ávinningurinn af starfsemi Arboretums er af ýmsum toga. Reynslan hefur sýnt að trjásofn eru undirstaða trjá- og skógræktar í hverju landi. Þá hefur mikilvægi Arboreta aukist með loftslagsbreytingum, þar sem aðlögun trjágróðurs að breyttu loftslagi og prófanir (reynsluræktun) á nýjum tegundum verður meira aðkallandi. Mikið sjálfboðaliðastarf hefur verið unnið af Trjáræktarklúbbnum í tvo áratugi við útvegum fræja sáningu og uppeldi plantna. Mikilvægt er að staðinn verði vörður um það starf og því í engu ógnað.



f.h. Skógræktarfélags Reykjavíkur

Skógræktarfélag
Reykjavíkur
www.skograekt.is